

Menningar- og ferðamálasvið Reykjavíkurborgar	
05 FEB. 2018	
Málsnr.: RMF	17120006
Skjalaflokkur:	3.1.3

Menningar- og ferðamálasvið f.h. Reykjavíkurborgar kt. 530269-7609 og Stórsveit Reykjavíkur kt. 520593-2259 gera með sér eftirfarandi:

SAMSTARFSSAMNING

Samningur þessi fjallar um stuðning Reykjavíkurborgar við starfsemi Stórsveitar Reykjavíkur á tímabilinu 1. janúar 2018 til 31. desember 2020.

1. gr. Markmið

Meginmarkmið Reykjavíkurborgar með stuðningi við Stórsveit Reykjavíkur er að styðja við markmið hennar, starfsemi og öfluga þátttöku hennar í tónlistarlífi borgarinnar.

Markmið Stórsveitar Reykjavíkur eru:

- Metnaðarfullt tónleikahald
- Að flytja nýja tónlist, bæði íslenska og erlenda, með sérstaka áherslu á frumflutning.
- Að flytja klassíska stórsveitartónlist frá ólíkum tímabilum jazzsögunnar.
- Að starfa með stjórnendum og einleikurum í fremstu röð.
- Að blanda saman stefnum og straumum.
- Að kynna stórsveitartónlist fyrir ungu fólki.
- Að hljóðrita bæði alvarlega og léttari tónlist fyrir stórsveit.
- Að vera sterkt afl, bæði í tónlistarlífi höfuðborgarinnar og landsins alls.
- Að nálgast öll verkefni af vandvirkni og metnaði.

2. gr. Forsaga

Stórsveit Reykjavíkur var stofnuð í febrúar 1992. Sveitin telur 17 hljóðfæraleikara sem allir eru vel menntaðir atvinnutónlistarmenn, þar af nokkrir af fremstu jazztónlistarmönnum þjóðarinnar. Í heimi rytmískrar tónlistar á Íslandi skipar stórsveit svipaðan sess og Sinfóníuhljómsveit Íslands gerir í klassískri tónlist. Hún er fjölmennasti tónlistarhópur landsins á þessu sviði, samnefnari þeirra sem leggja með alvarlegum hætti stund á aðra tónlist en klassíska. Stórsveit Reykjavíkur hefur á undanförunum 25 árum haldið á þriðjahundrað tónleika víðsvegar í Reykjavík og einnig á ýmsum stöðum á landsbyggðinni. Hún hefur lagt sig eftir breiðum stíl tónlistarlega séð; flutt nýja og framsækna íslenska og erlenda tónlist, en einnig leikið vinsæl eldri verk með vinsælustu söngvurum þjóðarinnar. Þannig spanna fáir tónlistarhópar álíka breidd og Stórsveit Reykjavíkur, frá hinu nýjasta og sértækasta til hins alþýðlegasta. Stórsveitin heldur að jafnaði átta tónleika á hverju starfsári. Sveitin hefur sent frá sér 12 geisladiska. Fjölmargir innlendir og erlendir gestir hafa komið fram með hljómsveitinni á liðnum árum sem einleikarar, einsöngvarar og gestastjórnendur. Stórsveit Reykjavíkur frumflytur nýja íslenska tónlist, leikur nýja erlenda tónlist og eldri tónlist sem hefur sögulegt gildi, sinnir ungu fólki, tekur upp plötur og flytur inn gesti úr framvarðasveit jazzheimsins frá ólíkum menningarsvæðum.

3. gr. Framlag Stórsveitar Reykjavíkur

Tónleikaröð Stórsveitar Reykjavíkur. Átta fjölbreyttir tónlistarviðburðir í Reykjavík á ári næstu 3 árin.

4. gr. Kynningarmál

Á öllu kynningarefni Stórsveitar Reykjavíkur, jafnt innanlands sem utan, skal koma fram að hljómsveitin sé styrkt af Reykjavíkurborg og birtir hljómsveitin merki Reykjavíkurborgar í því skyni. Hægt er að nálgast merki borgarinnar á reykjavik.is/skjaldarmerki-reykjavikur. Tengja má ferðavefsvæði Reykjavíkurborgar vistitreykjavik.is við vefsvæði Stórsveitarinnar til að kynna sem best Reykjavík sem áfangastað og setja tónleika Stórsveitarinnar á viðburðadagatal borgarinnar hvirfill.reykjavik.is/ á ensku og íslensku.

5. gr. Framlag Reykjavíkurborgar

Á samningstímanum leggur Reykjavíkurborg Stórsveit Reykjavíkur til í beinum fjárframlögum kr. 1.800.000.- á ári 2018, 2019 og 2020. Upphæðin greiðist í tvennu lagi kr. 900.000.- þann 16. – 18. janúar og 16. – 18. júní ár hvert.

Framlög Reykjavíkurborgar vegna áranna 2019 og 2020 eru með fyrirvara um samþykkt fjárhagsáætlunar hverju sinni. Verði gerð umtalsverð breyting á fjárveitingu til samningsins á fjárhagsáætlun taka aðilar upp viðræður um aðlögun hljómsveitarinnar að breyttri fjárveitingu.

6. gr. Ábyrgð

Stórsveit Reykjavíkur ber ábyrgð á að starfsemi hennar fullnægi kröfum um fagmennsku og gæði. Stórsveitin ber ábyrgð á skuldbindingum sem hún eða aðilar á hennar vegum stofna til í tengslum við þennan samning. Hljómsveitinni er óheimilt að framselja greiðslur skv. samningi þessum til þriðja aðila og setja hann með öðrum hætti til tryggingar fjárskuldbindingu.

7. gr. Samskipti og eftirlit

Samráðsfundir aðila samningsins skulu haldnir í ágúst - september árin 2019 og 2020 þar sem farið verður yfir framkvæmd samningsins og tillögu Stórsveitar Reykjavíkur að verkefnaáætlun fyrir komandi starfsár. Stórsveit Reykjavíkur skilar þá Menningar- og ferðamálasviði ársreikningi og skýrslu fyrra árs, og áætlun um rekstur og efnahag ársins. Skrifstofustjóri menningarmála boðar til fundanna.

8. gr. Vanefndir og meðferð ágreinings.

Telji Stórsveit Reykjavíkur hættu á að geta ekki uppfyllt samningsbundnar skyldur sínar skal skrifstofustjóra menningarmála tilkynnt um það skriflega án tafar. Ef ekki tekst að endurskoða verkefnaáætlun þannig að markmiðum samningsins verði náð er skrifstofustjóra menningarmála heimilt að fella niður greiðslur eða rifta samningnum.

Ef sýnt þykir að framlag Reykjavíkurborgar hafi verið notað í öðru skyni en samkvæmt samningi þessum áskilur Reykjavíkurborg sér rétt til að krefjast endurgreiðslu framlagsins að öllu eða að einhverju leyti og rifta samningnum.

9. gr. Gildistími

Samningur þessi er gerður í samræmi við samþykkt menningar- og ferðamálaráðs þ. 18. desember 2017 um styrki og samstarfssamninga ráðsins. Samningurinn gildir til 31. desember 2020. Samningurinn er gerður í tveimur samhljóða eintökum og heldur hvor aðili sínu eintaki.

10. gr. Fyrirvari og ágreiningur

Samningurinn er gerður með fyrirvara um samþykkt menningar- og ferðamálaráðs Reykjavíkurborgar og borgarráðs. Rísi ágreiningsmál út af samningi þessum skal það rekið fyrir Héraðsdómi Reykjavíkur.



Reykjavíkurborg
Menningar- og ferðamálasvið

Reykjavík, 5. febrúar 2018

F.h. Reykjavíkurborgar

A blue ink signature, likely belonging to Sigrún Ragnheiða, written in a cursive style.

F.h. Stórsveitar Reykjavíkur

A blue ink signature, likely belonging to Ólafur Þórunn, written in a cursive style.

Vottar að réttri dagsetningu og undirskrift: